



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

de via illuminatiua meditationes. 9

[urn:nbn:de:hbz:466:1-49323](#)

L I B E R IIII.

mo ora fideliter pro tibi commendatis, & pro omnibus statibus ecclesiae, & pro animabus in purgatorio. Hoc nanç mirum in modum Deo gratum, tibique erit salutiferum. Ad hæc utiem poteris VII. Psalmis poenitentialibus cum Letania, & XV. orationibus (quas vocant diu Brigittæ) de passione domini, quæ miræ sunt virutis pro venia & gratia impetranda.

Vt quis cum Deo reconciliatus per viam purgatiuam, secure consendere possit in viam illuminatiuam, praxis. Cap. IX.

Intra omnia illuminatiæ, sicut et aliarum viarum exercitia, præcipuum est meditatio vitæ & passionis dñicæ. Quæ quia in Euāgelijs & alijs libelis passim inueniuntur, hic replicandā non putauimus. Ex hac enim facile purgabuntur tui interiores oculi, & illuminabuntur ad discretiōnem boni & mali; & ad cognoscendum Dei bonitatem, & tuam vilitatem, Deumque perfecto amore (sine quo omnis illuminatio sterilis est) redamandum. Illuminaberis etiam frequenter legendo & audiendo verbum Dei, vitasque, exempla & scripta sanctorum: item, sapienter considerando creaturas, & referendo eas in Deum, suam scilicet originem. Ab assiduis etiam diuinorum meditationibus, & orationibus seruidis, & maxime ab oratione dominica. Illuminat nihilo minus valde beneficiorum Dei deuota meditatio. Quam, sicut & cætera omnia, semper trahere debes ad redamandum Deum toto corde: non quidem propter beneficia sua, ut mercenarius, sed propter suam infinitam bonitatem.

NN ij &

MARGARITAE EVANG.

& charitatem, ut fidelis filius. Vnde Bernardus ait: Tot mihi Deus contulit beneficia, quæ si vnuſ rusticus mihi fecisset, & ea considerarem, tenerer eum valde diligere. Quid igitur rependam summo amatori de tantis suis beneficijs? Certe gratias agam, et ea quandiu potero, recolere nō grauabor. ¶ Postquam ergo ad pedes dominia liquot hebdomadibus purgationi peccatorū va caueris, donec senseris te in cōscientia serenatū, & strenuum factum ad excutiendum omnem negligentiam, seuerum ad restringendum omnem concupiscentiam, benignumq; ad excludēdum omnē amaritudinem, humiliiter consurgere portis ad oscula manuum domini per deuotam & morosam meditationem beneficiorum eius.

Feria ergo secunda, edito signo sancte crucis, et implorato diuino auxilio, meditare beneficium creationis, & dic mentali affectu: Gratias tibi ago o pater & domine mi dilectissime, quod me ab æterno prædestinasti, et perpetua charitate dilexisti, ad nihil tibi vrilem, quum mei in aliquo nō indigeres. Quod me creasti vnam creaturarum tuarum nobilissimam, scilicet hominem, nō bestiam nec lapidē. Quod corpus mihi dedisti cum membrorum integritate, complexionis bonitate, sexusque nobilitate, liberans me a multis miserijs, faciensque aptum tuis ministerijs. Quod animam meam ad imaginem & similitudinem tuam fecisti tui capacem & immortalem, multisque viribus decoratam. Quod dedisti mihi angelum custodem, qui innumerā mihi præstat beneficia. Quod parētes Christianos & honos mihi prouidisti, non Iudeos, nō Turcas neq; gentiles, & in tempore fidei Christiana-



LIBER III.

rianæ me produxisti.

Feria tertia facto signo crucis & inuocato
Deo meditare, nō cursim, sed morose bene
ficiū gratificatiōis & dic: Gratias tibi ago
dulcissime dñe Deus meus, qđ me gratificari di-
gnatus es in dilecto filio tuo, cui non pepercisti,
sed dedisti illi mihi in sociū peregrinatiōis, in ex-
emplum conuersationis, in edulium confortatio-
nis, & in precium redemptiōis. Quod dedisti mihi
sanctum spiritum tuum in signū adoptionis,
in priuilegium dilectiōis, et in anulum desponsa-
tionis. Quod vocasti me ad vniōne ecclesiæ ca-
tholicæ, in qua saluari possum, sicut Noe in ar-
cha. Quod p sacramentū baptismi mūdasti me
ab originali culpa, restituisti mihi vestē innocē-
tiae, & iustitiā perditā. Quod p sacramentū cōfir-
mationis multa dedisti mihi munera, & auertisti
mala. Qui me tuo nomine scilicet Christiano vo-
casti, cōstituēs me filiū & hæredē regni cœlestis.

Feria quarta facto signo crucis & implora-
to Dei adiutorio, meditare beneficīi voca-
tiōis et dic: Gratiastibi ago dulcissime dñe
Deus meus, qđ me post innumera beneficia ab-
te recepta, cum te spredo, per diuersa peccata ad
transitorias creaturas me conuertere, patiēter su-
stinuisti, & lōganimiter expectasti, nō permittēs
me in tali statu (qđ tamē multis me melioribus
contigit) mori & damnari. Quod multis modis
toties errantem, semper reuocasti: interius quidē
inspirationibus bonis, exterius quoque aliorum
admonitionibus, scripturarum exhortationibus
beneficiorum cumulatiōibus, præmiorum pro-
missionibus, suppliciorū cōminationibus, flagel-
lis & aduersitatibus, & alijs varijs modis. Qui

NN iij digna-



MARGARITAE EVANG.

dignatus es auferre duritiam mentis mee, dādo
voci tuæ vocē virtutis, & auertendo obstacula
salutis, meq̄ donasti bona voluntate, quę est do-
norum tuorum pręcipū. Quod, quoties volui,
ad te cōuerti tanq̄ filius prodigus, toties paterna
fidelitate tua inter amplexus tuos me gaudenter
suscepisti, primamq̄ stolam & anulum mihi re-
stituisti. Quod me a societate malorum occasio-
bus peccādi abstraxisti, & societatem bonorum
& notitiam amicorum tuorum, & statum hunc
salutiferum mihi prouidisti, tempusq̄ pœnitentia-
tiz, gratiamq̄ nouam cum præteriorum pecca-
torum venia indulisti.

Feria quinta facto signo crucis & Dei inuo-
cato adiutorio, meditare beneficij iustifi-
catiōis, & dic: Gratiastibi ago dulcissime
dñe Deus meus, qđ ita mutare dignatus es volū-
tatem meā, vt opera pœnitentiae & diuina tua ob-
sequia, quę prius erat amara, mihi facta sunt dul-
cia. Et mundus cū suis cōcupiscentijs, qui priua-
placuit, nunc mihi viluit: siccq̄ dedisti mihi vit-
eum continentiae, quod valde insigne est do-
num. Quod dedisti mihi in bono statu perseverā-
tiam, sine qua nemo saluabitur, & a qua multe
exciderunt. Quod dedisti mihi virtutem & spē-
proficiendi cum varietate internarum consola-
tionum: & odium præteriorum malorum, & de-
siderium futurorum bonorum. Qui mihi, ne des-
cerem in via, parasti mensam, in qua tuum co-
pus & sanguinem, imo teipsum totum mihi de-
disti in viaticū peregrinationis, in sacramētu-
m communionis, et in sacrificiū redēptionis. Qui oia
alia mihi necessaria, sacrā quoq̄ scripturā & de-
uotos libros pro illuminatione intellectus & in-



L I B E R I I I I .

flammatione affectus addidisti. Qui dedisti mihi exempla & patrocinia sanctorum tuorum affectum deuotum & fiduciā singularē ad gloriosam matrem tuam, & tuos præcipuos sanctos & angelos, necnon varia & deuota exercitia, & virtutum ornamenta, quibus meam turpitudinem decenter operirem.

Feria sexta edito crucis signo, meditare beneficium singularis dotatiōis, & dic: Gratias ago tibi dulcissime domine Deus meus, qui in omni vita mea multa dona gratis data & beneficia, omni tempore in me cumulaſti. Dediſti enim mihi in bonis naturae ſenſum capacem, memoriam tenacem, fortitudinem & pulchritudinem. In bonis fortunæ omnia neceſſaria ſuperabundanter. In bonis gratiæ, pure credere, in te ſperare, teque amare. Qui mihi singularē meditandi & intus me exercendi gratiam contulisti, intellectum docuſti, affectum traxisti, deuotionem, consolationemq; internā, & arram vitæ æternæ præbuſti. Qui me ne gratias tuas perderē, singulariter a laſtu eufodisti, remouens occafiones ad peccandum, dansque vires ad refiſtendū, & ſanans affectiones ad permanēdum. Qui ſi me ut humiliarer, quandoq; ſuperari permifisti, inde me fortiorē crexisti, errantemq; revocasti; præſtans virtutem fortius refiſtendi, & ſupponēs manū tuam, cū cecidi, ne penitus colliderer.

Sabbato factō ſigno crucis, et Deo inuocato meditare beneficium gubernatiōis, & dic: Gratias ago tibi dulcissime dñe Deus meus q; me ſola virtute tua (cū alias in nihilū ſemp reſiderē) hactenus in eſſe bono & ſano cōſeruasti. Qui me ab incunte ætate ab infinitis periculis,

NN iij languo-

MARGARITAE EVANG.

Ianguoribus, hostibus & malis animæ & corporis fidelissime liberasti vel præseruasti. Qui mihi victimum & vestitum, domumq; ad manendū, & cubile ad quiescendum, cæteraq; nō solū necessaria, verum etiā multa superflua, iucunda & utilia pro mei sustentatione abunde prouidisti. Qui me hactenus optime gubernasti, & propter direxisti, ministrans successiones temporum, & producens diuersitatem fructū & animaliū, ad tollendū fastidium. Qui me sapiēter gubernans, non solū per prospera, sed etiam per aduersa de augendū merita. Imo adeo circa me sollicitum te semper exhibuisti, quasi vacares a ceteris. Mihiq; semper manes præsens, omnia opera mea perspiciens, meq; adiuuare paratus.

Dominica die edita cruce, et inuocato auxilio Dei, meditare beneficū glorificatiōis, & dic: Gratias ago tibi dulcissime dñe Deus meus, qui mihi gaudia paradisi coelestis parasti: videlicet supra mediuitatis fruitionē, redemptoris nostri, & matris eius gloriosam visionem. O quantum erit gaudium mihi videre regem cœlorum in decore suo, & dominam nostram virginem Mariam totam glorificatam. Circa me parasti mihi iucundissimam societatem sanctorū & angelorū: qui speciosissimi sunt, charitateque plenissimi & innumerabiles. Intra mestolā & glorificationem animæ & corporis, perdotes cōgruentes: extra me, locū amenissimū, deliciosissimū, spacioſissimū, et luminosissimū. Sub eis me, visionē mundi, quem cōtempsi, dānum quos vici, et pœnāq; infernalium quas eurasii.

Et alia



LIBER IIII.

Et alia plura gaudia mihi præparasti, tam multa, ut numerari, tā magna, ut mensurari, & tam preciosa, ut nequeant aestimari.

HAEC & alia exercitia tua omnia semper facies absq; proprietate spiritus, ita ut in quoecunq; articulo senseris te gratio se cō pungi, in eo maneas, vel alio trahi a dñō, hunc mox sequaris, in spiritu te totum offerendo amabilissimæ voluntati suæ, relictis tali hora tuis proprijs exercitijs. Iuuat etiam səpius exclamare, & etiam dormiturum in lecto dicere: O amator ardentissime. O redemptor benignissime. O amor meus. O gloria mea. O pater meus. O sp̄s meus. O sp̄s mea. Quando te diligam filiali amore? Quando te ex totis visceribus meis amplexabor? & multa similia, per quæ səpius ingeminata mirum senties profectum. Dic etiam orationem sequentem affectu ex prævijs meditationibus iam incalescente & ignito.

Oratio deuota pro mentis illuminatione. Cap. X.

Oriens splendor lucis æternæ & speculum sine macula diuinæ maiestatis, qui es lux vera illuminans omnem hominem venientem in hunc mundum: veni & illumina tenebras cæcitatris & ignorantiarum mearum, & da in meo affectu tuam diuinam irradiationem, ut tui desiderio cor meum ardeat & liquefiat, ut te astringere valeam glutino veri amoris. O lux, quæ es lux vera, lux quam videbant Isaac & Jacob, quando caligantibus oculis sicut tu interius docebas, ita filijs exterius futura prædicebas. O lux, quā non videt alia lux. Lumen quod non videt aliud

NN V lumen.